

凡例

輿圖

卷之一

星野

卷之二

地理

卷之三

建置

卷之四

賦役

卷之五

禮樂

卷之六

事實

卷之七

秩官

卷之八

選舉

卷之九

人物上

卷之十

人物下

卷之十一

藝文上

卷之十二

東陽縣志卷之八

選舉志

鄉有舉里有薦秀髦同升自啓始重進士科而歷代
因之鴻儒碩彥指不勝屈兼邑山水鍾靈人文自昔
稱盛鄭氏六元幾于艷絕于古今明良喜起野無遺
賢則覩斯志也當不令古人專美於前矣志選舉

薦辟

南北朝

鄭萬頃司州刺史

鄭紹叔字仲明少孤貧以孝聞仕齊爲梁王衍寧蠻長史善則推功于君不善則引咎歸已梁王親之嘗曰吾之蕭何寇恂也及衍卽帝位遷紹叔司州刺史立城隍繕器械廣田疇積穀招集流民四方多歸焉兄植仕齊有才名

唐

鄭元瑾武德初爲蒲圻令在任多善政凡官署學校田土經制悉其所區畫有創建功

馬成單父主簿

亮鄭州司馬

劉虔縣尉

鄭惜字里闕鮮之子中宗時拜吏部侍郎同中書門
下平章事

鄭叔敖貞元元年授長安尉後字澄城喪民信服訟簡
役均民思慕之立石以識云

鄭珣瑜字伯元少孤值天寶亂退耕陸渾山以養母不
干州里轉運使劉晏奏補寧陵宋城尉山南節度
使張獻誠表南鄭丞皆謝不應大歷中以諷諫王

文科高第授大理評事調陽翟丞以拔萃爲萬年尉崔祐甫爲相擢左補闕出爲涇原帥府判官入拜侍御史刑部員外郎以母喪解詔喪遷吏部貞元初詔擇十省郎治畿赤珣徐欽本官兼奉先令明年進饒州刺史入爲諫議大夫四遷吏部侍郎爲河南尹未入境會德宗生日尹當獻馬吏欲前取印白珣珣視事且內贄珣珣徐曰未到官還遽事獻禮歟不聽性嚴重少言未嘗以私託人而人亦不敢謁以私旣至河南清靜惠下時欽貴從

以便民方是時韓全義將兵伐蔡河南王魏運珣
瑜密儲之陽翟以給官軍百姓不知僦運勞凡迎
送敕使皆有常處吏密識其馬進退不數步差也
全義與監軍別檄有所取非詔約者珣瑜輒挂壁
不酬至軍罷凡數百封有諫者曰軍須期會爲急
公可不報珣瑜曰武士統戎多恃以取求苟以爲
罪尹宜坐之終不爲萬人產疹也故下無怨讟時
謂治河南比張延賞而重厚堅正過之復以吏部
侍郎召進門下侍郎同中書門下平章事李實爲

京兆尹剝下務進奉珣瑜顯詰曰留府緡帛入有
素餘者應內度支今進奉乃出何色邪具以對實
方幸依違以免順宗立即遷吏部尙書王叔文起
州吏爲翰林學士鹽鐵副使內交奄人攘撓政機
韋執誼爲宰相居外奉行叔文一日至中書見執
誼直吏白方宰相會食百官無見者叔文恚叱吏
吏走人白執誼起就閣與叔文語珣瑜與杜佑高
郢輟饗以待頃之吏白二公同飯矣珣瑜喟曰吾
可復居此乎命左右取馬歸臥家不出七日罷爲

吏部尙書亦會有疾數月卒年六十八贈尙書左僕射太常博士徐復諡文獻兵部侍郎李異言文者經緯天地用二諡非春秋之正請更議復謂二諡周漢以來有之威烈愼靜周也文終文成漢也况珣瑜名臣二諡不嫌異曰諡一正也堯舜是也二諡非古也法所不載詔從復議

鄭 覃珣瑜子以父蔭補宏文校書郎擢累諫議大夫憲宗取五中官爲和糴使覃奏罷之穆宗立不卹國事數荒昵吐蕃方彊覃與崔郾等廷對曰陛下

新卽位宜側身勤政而內耽宴嬉外盤游畋今吐
蕃在邊狙候中國假令緩急臣下乃不知陛下所
在不敗事乎夫金繒所出固民膏血可使倡優無
功濫被賜與願節用之以所餘備邊毋令有司重
取百姓天下之幸也帝不懌顧宰相蕭俛曰是皆
何人俛曰諫官也帝意解乃曰朕之闕下能盡規
忠也因詔覃曰閣中殊不款款後有爲我言者當
見卿延英時閣中奏久廢至是士相慶王承元徙
鄭滑節度使鎮人固留不出承元請以重臣勞

其軍詔覃爲宣諭使起居舍人王璠副之始鎮人
獲甚及覃傳詔開勗大義軍遂安承元乃得去寶
歷初擢京兆尹文宗召爲翰林侍講學士進工部
侍郎覃於經術該深諄篤守正帝尤重之李宗閔
牛僧孺知政以覃與李德裕厚忌其親近爲助力
陽遷工部尙書罷侍講欲推遠之帝雅向學頗思
覃復召爲侍講學士德裕旣相以爲御史大夫帝
嘗謂殷侑善言經其爲人鄭覃比也宗閔猥曰二
人誠通經然其議論不足取德裕曰覃侑之言它

人不欲聞惟陛下宜聞之俄德裕罷宗閱復用單
繇戶部尚書下除祕書監宗閱得罪遷刑部尚書
進尚書右僕射判國子祭酒李訓誅帝召單視詔
禁中遂拜同中書門下平章事封滎陽郡公不喜
文辭病進士浮夸建廢其科曰南北朝所以不治
文采勝質厚也士惟用才何必文辭又言文人多
佻薄帝曰純薄似賦性之異奚特進士耶且設是
科二百年渠可易乃止帝嘗謂百司不可使一日
弛惰因指香案爐曰此始華好用久則晦不始

何由復新覃曰救世之敝在先責實比皆不攝
事至慕王夷甫以不及爲靳此本于治平人人無
事安逸致然帝曰要在謹法度而已進門下侍郎
宏文館大學士帝坐延英會詩工否覃曰孔子所
刪三百篇是已其非雅重者烏足爲天子道哉夫
風大小雅皆下刺上之變非上化下爲之故王者
采詩以考風俗得失者陳後主隋煬帝特能詩之
章解而不知王術故卒歸於亂章什諛諛願陛下
不取也帝每言順宗事不詳實史臣韓愈豈當時

屈人邪昔漢司馬遷與任安書辭多怨懟故武帝
本紀多失實覃曰武帝中年大發兵事邊生人耗
瘁府庫殫竭邊所述非過言李石曰覃所陳因武
帝以諫欲陛下終究盛德帝曰誠然靡不有初維
克有終覃曰陛下樂觀書然要義不過一二陛下
所道是矣宜寢饋以之覃旣名儒故以宰相領祭
酒請太學五經經置博士祿稟比王府官再遷太
子太師開成三年旱帝多出宮人李珣入賀曰
制八月選人晉武帝平吳多采擇仲尼所謂未

子德者陛下以爲無益放之盛德也覃又推贊曰
晉以采擇之失舉天下爲左社宜陛下以爲殷鑒
帝善其將美以病乞去位有詔解太子太師許五
日一入中書商量政事俄罷爲尙書左僕射武宗
初李德裕復用欲援覃共政固辭乃授司空致仕
卒覃清正退約與人未嘗串狎位相國所居第不
加飾內無妾媵女孫適崔臯官裁九品衛佐帝重
其不昏權家覃之侍講每以厚風俗黜朋比再三
爲天子言故終爲相然疾惡多所不容世以爲太

學陽縣志 卷之八 七
過憚之始覃以經籍刊繆博士陋淺不能正建言
願與鉅學鴻生共力讎刊準漢舊事鏤石太學示
萬世法詔可覃乃表周墀崔球張次宗孔溫業等
是正其文刻于石

鄭裔綽單子峭立有父風以門蔭進爲李德裕所知擢
渭南尉直宏文館累遷諫議大夫宣宗初劉潼繇

鄭州刺史授桂管觀察使裔綽固爭潼被責未久
不宜付廉察帝已遣使者頒詔追罷之遷給事中

楊漢公爲荆南節度使坐貪沓貶祕書監尋拜同

州刺史喬綽與鄭公輿封還制書帝自卽位諫臣
規正無不納至是有爲漢公地者遂終不易會賜
宴禁中天子擊毬至門下官謂二人曰近論漢公
事類朋黨者喬綽曰同州太宗興王地陛下爲人
子孫當慎所付且漢公墨沒敗官奈何以重地私
之帝變色翌日貶商州刺史時猶衣綠因詔賜緋
魚後繇祕書監遷浙東觀察使終太子少保

鄭 昉爲鄜城尉州刺史移職民之暴警者遮道留昉
誅殺六七人採訪使竒之言狀改北海尉安祿山

反縣民孫俊毆市人以應詔率衆擊殺之擢登州
司馬李光弼表爲武寧府判官遷沂州刺史
賊李浩五千人於滁州刺史

鄭羨仕至池州刺史

鄭沉羨子仕大理評事

鄭洎肅子仕至閩州刺史

鄭仁規洎子仕中書舍人

鄭仁表洎子豪爽有文仕唐爲起居郎以門閥文章自

尊曰天瑞有五色雲人瑞有鄭仁表

鄭長裕仕至潁川太守

鄭少微仕至刑部侍郎

鄭况仕至王屋縣令

鄭慈長裕子仕太子舍人

鄭膺甫慈子仕至主客員外郎中楚懷鄭三州刺史

鄭漁仕至睦州刺史

鄭允謙瀚子以蔭累官臺省歷蜀彭濠晉四州刺史終

太子右庶子

鄭博古仕興元參軍

鄭祗德綱子仕至兵部尙書

鄭方達圻子仕太僕寺丞

鄭涯利用子累仕檢校主簿射同中書門下平章事

鄭泐利用子仕至兗海節度使

鄭紹業涯子仕至荆南節度使

鄭頊祗德子廣文館助教

鄭承休頊子仕至戶部尙書

鄭公瑜密縣尉

鄭鉅徐州叅軍

涓餘慶從姪仕至太原節度使

鄭修松莘縣令

鄭行思修松子餘杭縣令

鄭綺行思子醴泉縣丞

鄭穀以水曹郎中出守舒州常因水旱禱于山川輒

應寶歷戊午秋齊楚蝗蟲將及舒界吏馳告矍然

風興禱于潛山九天祠吏還告曰蝗由境旋退于

他邑復爲雷霆風雹遂溺于波池者無數老幼歌

曰鄰邑穀不登我土豐稔盛禾稼美如雲實係我

使君

鄭 據龍武軍長史會昌中與胡果爲香山九老會時
年八十五

鄭 文仕駕部郎中

鄭 嚴員外郎

鄭 峻亞子仕祕書監

鄭 泄濟延昌弟仕太常博士

鄭 凝績政子仕至刑二部侍郎

鄭 韶光顥子仕至言部尚書

錫禮部員外

鄭 綦 僖宗時庫部郎中

鄭 慶 銀青光祿大夫檢校太子賓客兼侍御史飛騎尉

高 守 驛鄭州司馬

元

田 晟 禮部尚書

董 清 武昌路總管府判

徐 祐 寧都王簿

選舉

蔡 澤管城主簿

明

楚 敬以人才爲直隸廬江知縣

朱 固以人才官知縣

李 春洪武中授興化知府政尙仁恕拓築郡城爾民
不擾又修建陂堰及西河等十斗門凡有利于民
者無不爲之後卒官民欲留葬其妻不許因請衣
冠送之

徐 彬增廣生莫宗北荷彬仗義投之後授延安府經

具 錫禮部員外

鄭 綦僖宗時庫部郎中

鄭 慶銀青光祿大夫檢校太子賓客兼侍御史飛騎尉

高 守勳鄭州司馬

元

田 晟禮部尚書

董 清武昌路總管府判

徐 祐寧都主簿

蔡 澤管城主簿

明

楚 敬以人才爲直隸廬江知縣

朱 固以人才官知縣

李 春洪武中授興化知府政尙仁恕拓築郡城而民不擾又修建陂堰及西河等十斗門凡有利于民者無不爲之後卒官民欲留葬其妻不許因請

冠

徐 彬增廣生英宗北狩彬仗義投之後授延安府

歷陞安定知縣保障人民治功顯著去後民深思
之

進士

唐

鄭益上元二年中狀元

鄭全濟貞元元年中狀元

鄭解元和十一年中狀元

鄭言會昌二年中狀元

鄭宏業咸通八年中狀元

鄭中貽光啟四年中狀元

李日知及進士第天授中歷司刑丞時法令嚴更爭爲

酷日知獨平寬無文致嘗免一囚死少卿胡元禮
執不可曰吾不去曹囚無生理日知曰僕不去曹
囚無死法皆以狀讞而武后用日知議神龍初爲
給事中母老病取急調侍數日鬚髮輒白母未及
封而卒方葬吏乃齋贈制日知殞絕于道左右爲
泣莫能視巡察使賂徵潛欲表其孝使求狀辭不
報服除累遷黃門侍郎景龍初同中書門下平章
事轉御史大夫仍知政事初安樂公主館第成中
宗臨幸燕從官賦詩日知卒章獨以規誠睿宗它

日謂曰嚮時雖朕亦不敢諫非公挺立何能爾卽拜侍中先天元年罷爲刑部尙書屢乞骸骨許之日知將有請不謀于衆歸乃治行妻驚曰產利空空何辭之遽日知曰仕至此已過吾分人亦何厭之有若歛于心無日而足也旣罷不治田園唯飾臺池引簣客與娛樂開元三年卒

鄭又元明經上第仕至唐安尉叅軍

鄭雲逵馭子爲人誕謫敢言已登進士第去客燕朔朱泚善之表爲掌書記妻以滔女泚將朝使雲逵先

入奏同府察廷玉譖于泚奏貶爲平州叅軍滔代
泚將復辟雲達爲判官廷玉與要藉官朱體微它
日與泚從容言滔非長者不可付以兵雲達數漏
其語以怒滔故滔論廷玉等皆得罪死滔助田悅
雲達諫不從遂棄室自歸德宗悅擢諫議大夫帝
在梁雲達依李晟晟表以禮部侍郎爲軍司馬時
時咨逮戎略元和初爲京兆尹卒

鄭

助昉弟建中元年進士

天寶末擢進士仕至禮部尚書京兆尹

鄭

細字文明幾之子幼有奇志善屬文所交皆天下有名士擢進士宏辭高第張延賞帥劔南奏署掌書記入爲起居郎翰林學士累遷中書舍人德宗自興元還置六軍統軍視六尙書以處功臣除制用白麻付外又廢宣威軍益左右神策以監軍爲中尉竇文場恃功陰諷宰相進擬如統軍比綱當作制奏言天子封建或用宰相以白麻署制付中書門下今以命中尉不識陛下特以寵文場邪遂著爲令也帝悟謂文場曰武德貞觀時中人止內

侍諸衛將軍同正賜緋者無幾自魚朝恩以來無復舊制朕今用爾不謂私若麻制宣告天下謂爾脅我爲之文場叩頭謝更命中書作詔并罷統軍用麻矣明日帝見綱曰宰相不能拒中人得卿言乃悟順宗病不得語王叔文與牛美人用事權震中外憚廣陵王雄睿欲危之帝召綱草立太子詔綱不請輒書曰立嫡以長跪白之帝領乃定憲宗卽位拜中書侍郎同中書門下平章事遷門下侍郎始盧從史陰與王承宗連和有詔歸路從史謹

路乏糧請留軍山東李吉甫密謂綱漏言於從
帝怒坐浴堂殿召學士李絳語其故且曰若何而
處絳曰誠如是罪當族然誰以聞陛下者曰吉甫
爲我言絳曰綱任宰相識名節不當如犬彘梟獍
與姦臣外通恐吉甫勢軋內忌造爲醜辭以怒陛
下帝良久曰幾誤我先是杜黃裳方爲帝夷削節
度疆王室建議裁可不關決于綱綱常默默居位
四年罷爲太子賓客久乃檢校禮部尙書出爲嶺
南節度使後累遷河中節度入爲御史大夫檢校

尚書左僕射兼太子少保文宗太和中年老乞骸骨以太子太傅致仕卒年七十八贈司空謚曰宣
綱本以儒術進守道寡欲所居不爲烜赫事以篤實稱善名理學世以耆德推之

鄭餘慶字居業慈子少勤學通究六經深旨善屬文登進士辟嚴震山南從事累殿中侍御史丁父憂貞元初入爲左司員外庫部郎中八年選翰林學士遷工部侍郎知吏部選事當時翕然稱重十四年拜中書侍郎同平章事坐善慶支使于頔貶郴州

司馬順宗徵拜尙書左丞憲宗立復其相位方入
中書與同僚議事主書滑渙指陳是非怒其僭傲
叱之後果贓汙坐死帝聞益加禮重奏詞多傳古
義議楊惠琳阻命用兵有介馬萬蹄之語有司多
不曉論者以爲不適時宜罷爲太子賓客改國子

祭酒尋拜河南尹元和二年檢校兵部尙書兼東
都留守六年拜吏部尙書凡再爲相罷免非有大
過益勵清儉爲時所稱遇得失言成準的嘗奏旌
門立戟朝廷大典近代有司只據勳官不行詳覆

若京兆尹元義方戶部侍郎盧坦俱不應立各坐
門俸詔撰惠昭太子哀冊情辭甚工又執論醫工
崔懷自淮南小將除黃州司馬不當無故闕徵俸
之路時權多不悅改太子少傅兼判太常卿事先
時多故太常肄樂詔禁大鼓復奏用之九年出爲
山南西道節度使代還除太子少師十三年特以
耆德拜尙書左僕射時屢經恩授不復計考使府
賓佐借賜命服被紫垂金不以爲貴帝惡其太濫
詔令立制條奏又患朝廷儀制不倫藉其諳練

章命爲詳定禮儀使委以奉勅施行乃奏韓愈率
程爲副使崔鄭陳珮楊勣復庾敬休爲判官吉凶
五禮咸有損益尋轉鳳翔尹充隴右節度使一歲
戎事可觀十四年進檢校司空封滎陽郡公食邑
二千戶兼判國子事太學荒毀日久欲振起儒教
奏率文官俸給修之穆宗初以師傳舊恩進位司
徒卒年七十五贈太保諡曰貞生平名行完潔不
失儒者之道後生謁見率以經學諷之而周其所
急歷事四朝垂五十年祿賜分給親黨奉身理家

極爲儉薄帝知其貧遇授方鎮必誠使者不得妄
有需索沒後喪事不辦令所司給一月俸料以充
賻贈用示哀榮有文集五十卷

鄭

瀚本名涵餘慶子避文宗故名改焉第進士累遷

右補闕敢言無所諱憲宗謂餘慶曰涵卿令子而
朕直臣也可更相賀遷起居舍人考功員外郎時
刺史或迫吏下紀功愛涵請責觀察使以杜其欺
餘慶爲僕射避除國子博士史館修撰文宗立入

翰林爲侍講學士帝使粹擷經史爲要錄愛其博

而精試舉諸條摘問之隨卽酬析無留答因賜金
紫服累進尙書左丞出爲山南西道節度使始餘
慶在興元創學廬瀚嗣完之養生徒風化大行以
戶部尙書召未拜卒年六十四贈尙書右僕射諡
曰宣有文集三十卷

鄭從讜字正求瀚子及進士第補校書郎遷累至補闕
令孤絢魏扶皆瀚門生數進譽之遷中書舍人咸
通中爲吏部侍郎銓次明允出爲河東節度使徒
宣武以善最聞改嶺南東道節度先是林邑蠻內

侵召天下兵進援會龐勛亂不復遣而北兵寡弱
從讜募土豪署其酋右職爲約束使相捍禦交廣
晏然僖宗立召爲刑部尙書久之擢同中書門下
平章事進門下侍郎沙陀都督李國昌間邊多虞
入據振武雲朔等州南略太谷河東節度使康傳
圭遣大將伊釗張彥球蘇宏軫引兵拒之戰數負
傳圭斬軫以徇彥球所部反攻傳圭殺之劫府庫
爲亂朝廷以爲憂帝欲大臣臨制乃拜從讜檢校
司徒以宰相秩復爲河東節度兼行營招討使

自擇參佐從謹卽表長安令王調自副兵部員外郎劉崇龜司勳員外郎趙崇勳節度觀察府判官前進士劉崇魯進官左拾遺李渥掌書記長安府崔澤支使皆一時選京師士人比太原爲小朝廷言得才多也時承軍亂剽寇日旁午從謹旣羈事姦無度情乃推捕反賊誅其首惡以彥球本善意且才可任釋不問而付以兵曠無餘猜故得其死力渠凶宿狡不敢發發又輒得士皆寒毛傑傲會黃巢犯京師帝駐梁漢詔從謹發部兵屬北面擊

討副使諸葛爽入討從議圖士五千遣將論安從
爽而李克用謂太原可乘以沙陀兵奄入其地壁
汾東釋言討賊須索繁仍從議以備以備李克用
諭謂曰我且引而南欲與公而...
感槩使立功報天子原思竟月...
縱其下肆掠以撼人心從議...
弁等踵擊亦會振武...
敗引還卽遣安等屯北百井...
議合諸將

命持安出斬之鞠場中和二年朝廷殺沙陀使

賊自曠兵不敢道太原絳嵐石並河而南獨克用
從數百騎過辭城下從讜以名馬器幣歸之明年
賊平詔克用代領河東克用使來曰方省親鴈門
願公徐行從讜卽日以監軍周從寓知兵馬留後
掌書記劉崇魯知觀察留後敕克用至按籍效之
乃行黃頭軍以糧少劫其貲從讜間走絳州方道
梗不通數月召拜司空復秉政進太傅兼侍中從
帝至興元以疾乞骸骨拜太子太保還第卒謚文
忠從讜進止有禮法性不矜滿沈毅有謀在汴時

以處誨歿於鎮訖代不奏樂牙中識陸辰於後生
數稱譽之辰後位宰相張彥球者拳摯善斷累破
虜有功奏爲行軍司馬後署金三將軍初盜流中
原沙陀彊悍而卒收其用者蓋從讜爲太原重也
時鄭畋以宰相鎮鳳翔移檄討賊兩人以忠義相
提衡賊尤憚之號二鄭云

鄭茂林本名茂謔瀚子登進士四遷太常寺博士兵部
員外吏部郎中絳州刺史終秘書監

鄭朗字有融珣瑜子登進士甲科辟柳公綽山南

府人遷右拾遺開成中爲起居郎時文宗恭勤節
儉與宰相韓章太和末年奢僭之弊長裾大袖威
凜犯法康家用金唾壺士庶衣頗踰制元宗與貴
妃所御錦袍于今不復貴重宰相稱嘆以爲盛德
方退適見朗執筆螭頭下謂日向所論事卿記錄
否欲取觀之對曰臣已記之然臣今日所錄他日
名爲正史伏準故事天子不可取觀以其間多不
隱善諱惡設有飾非護失之主則史官無以自免
且後不敢直筆帝嘉其善守職且曰朕意亦無他

恐平日言或有差治或不協爲將來羞庶得一見聊以自改懇懇未已朗遂上之未幾轉考功郎中遷諫議大夫充翰林侍講學士由華州刺史入拜御史中丞戶部侍郎歷鄂岳浙西兩觀察義武宣武兩軍節度徵拜工部尙書判度支遷御史大夫大中七年守本官同中書門下平章事內園使李敬實見朗不避道命配南牙十年改禮部尙書中書侍郎集賢殿大學士監修國史以疾自陳加檢校右僕射守太子少師踰年卒贈司空

鄭 僖建中元年進士累遷大理寺丞工部尚書
留守卒贈尚書右僕射

鄭 權字復常擢進士第佐涇原節度劉昌府昌被病
人朝度其軍必亂以權寬厚容衆檄主後務昌去
軍果亂權挺身冒刃明諭逆順殺首亂者一軍
畏伏德宗方馱兵藩屯校佐得士心者皆就命之
權自試參軍拜行軍司馬擢累河南尹進拜山南
東道節度使徙領德棣滄景軍時討李師道權身
將兵出屯奏置歸化縣綏納降附滄州刺史李宗

爽數違命權劾奏詔追之宗爽以州兵留已自解
憲宗更以烏重允代權滄人懼共逐宗爽還京師
有詔斬以徇徙權節度邠寧或訟宗爽爲權所誣
左遷原王傅改右金吾衛大將軍穆宗立以左散
騎常侍持節爲回鶻告哀使以足疾辭不許肩昇
就道權識詣魁然有閎辯與可汗爭曲直持議明
壯虜禮異之使還三遷工部尚書用度豪侈俸入
不足求鎮守於是檢校尚書右僕射嶺南節度使

卒於官

鄭利用餘慶從父行也貞元元年進士以直長者稱由
大理寺卿爲御史中丞

鄭

肅字又敬以儒世家肅力于學有根柢第進士書

判拔萃補興平尉累擢太常少卿博士有疑議往

者必據經條答文宗高擇魯王府屬肅以諫議大

夫兼長史王爲皇太子遷給事中進尙書右丞出

爲陝虢觀察使開成二年召拜吏部侍郎帝以肅

嘗輔導東宮詔兼賓客爲太子授經旣而太子母

愛弛爲讒所乘廢斥有端肅因入見言天下大本

不可輕動意致深切帝爲動容然內寵方煽太子
終以憂死出爲檢校禮部尚書河中節度使武宗
知太子無罪特困於讒而朝廷謂肅臨義不可奪
佺佺有大臣節召爲太常卿遷山南東道節度使
五年以檢校尚書右僕射同中書門下平章事與
李德裕叶心輔政宣宗卽位遷中書侍郎罷爲荆
南節度使卒贈司空諡曰文簡

鄭還古元和進士爲國子博士

鄭鄰登進士仕鄭州司士參軍

鄭 穆鄰之子登進士仕河清令

鄭 亞字子佐穆之子元和十五年擢進士第又應賢
良方正直言極諫制科吏部調選又以書判拔萃
數歲之內連中三科聰悟絕倫文章秀發李德裕
在翰林亞以文干謁深知之出鎮浙西辟爲從事
累屬家艱人多忌嫉久之不調會昌初始入朝爲
監察御史累遷刑部郎中中丞李回奏知雜遷諫
議大夫給事中

鄭 畋字台文亞之子年十八登進士拔萃爲宣武推

官擢渭南尉父喪免爲令狐綯所忌更歷帥鎮十年不調綯罷始授虞部員外郎綯黨鄭薰復出之久乃復還刑部轉萬年令劉瞻薦授戶部郎中知制誥遷翰林學士會討麗勛書詔紛委畋思不淹畧言中機要朝野推重勛平進戶部侍郎充學士承旨坐草瞻罷相制懿宗以爲責語不切附下罔上貶梧州刺史僖宗立徙郴絳二州召爲右散騎常侍故事兩省轉對延英常侍不得與建言宜備顧問詔可遂著于令乾符四年遷吏部侍郎遷同

中書門下平章事罷賜所導引敕止百步禁百官
僕史不得擅至相府罷荆洪等漕委廣州刺史韋
荷取嶺南鹽鐵直市度吉米以贍安南奪洪州副
使王師甫獻羨餘錢五道安之再遷門下侍郎封
滎陽郡侯以星變求去不許時黃巢據安南騰書
浙東觀察崔瑋求天平節度使羣臣咸議請假節
以紓難畋因欲授以嶺南節度而盧攜方倚高駢
謂淮南天下勁兵又諸道師方至蕞爾織寇遽遷可
示弱令四方解體耶畋曰不然亂賊本起饑饉一

時以利烏合故能根蔓天下國家久平士不知戰
所在閉壘不敢出如以恩釋罪使及歲豐其衆一
離巢卽凡上肉耳法云不戰而屈人兵此之謂也
今不伐以謀而徒怖以兵恐天下憂未可遽艾也
僕射于琮又言南海產富如委以與賊國藏竭矣
會帝意亦屬駢乃然攜議駢又奏南蠻方強請如
西戎以公主下嫁攜又從之畋抗論駢遷延玩寇
無意剪除又從而保之且損國威靈不可聽至相

詔晉崔暉怒拂衣去裾鐵於視帝聞乃俱罷尋復同

起拜畋吏部尙書鳳翔隴西節度使募銳兵五百
號疾雷將境中盜不敢發會巢陷東都遣兵戍京
師以家財勞軍妻自紉戎衣駕幸梁洋候迎斜谷
見上泣涕請死以懲無狀帝勞遣之命以便宜從
事謹扼賊衝無使得西畋還蒐士卒繕器械濬城
隍曉諸將以順逆遣子凝績扈駕進檢校右僕射
京城西面行營都統涇原節度程宗楚副之靈武
節度唐宏夫爲行軍司馬中和元年賊將王暉來
招斬之併焚僞詔尙讓率衆五萬來攻使宏夫於

要害設伏以待而自陳兵高岡賊將王璠輕畋儒者縱步騎鼓而前陣未整伏發畋兵從之鏖戰龍尾坡殺賊二萬餘級積屍數十里多獲鎧仗璠遁禽斬其子威動京師時王命不出劔門諸鎮兵致萬咸不肯前畋乃厚加慰結與秦州仇公邁鄜延李孝恭夏州拓拔思恭約盟傳檄天下遠近咸聳各治兵奔問行在巢大懼不敢西當此時微畋天子幾殆帝下詔褒以儒者之勇宏夫收咸陽濟師

謂水與宗楚乘勝入都門賊伏甲爲走復爲所覆

改以鄜夏兵屯東澗橋再進司空兼門下侍郎京
城西面行營都統賜御袍犀帶拜而不賀會友人
朝其行軍司馬李昌言屯于興平遣麾下求爲南
面都統引兵來辭改不意見襲登城好語令善守

此城戢兵愛人爲國滅賊去方半道昌言自爲留
後改內慙負卽辭疾詔以王鐸代將授改太子少
傅分司東都於興元便醫明年召至行在復其舊
任軍務一以咨決奏方關輔失守興州戍將孫勣
護褒斜有功請免坐贓抵死陳秋兒保嵯峨山農

不廢耕請授檢校常侍兼奉天軍詔皆可舊制使
府校書郎以上滿三歲遷監察御史裏行至三十
月遷大夫常侍雖節度兼宰相亦不敢越自軍興
有歲內數遷者畋謹守法度以爲不可請行營節
度由裏行至大夫許滿二十月遷校書郎以上滿
二歲非軍興者如故事從之賊平帝將還以不從
田令孜請又不肯屈居陳敬瑄下二人常銜之而
李昌言復恐畋當國不喜內外相結遣客奏畋過

告引疾求去帝初不許畋入見曰乘輿東還由大

散關幸鳳翔供張頓時一不昌言乃可安若以臣
從彼且猶阻非所以靖反側也帝諒其誠乃罷授
檢校司徒太子太保以凝繼爲龍州刺史留郡就
養爲人文學優深器量宏恕美風儀姿采如玉兼
善作詩與人交至貴無少沮且能損怨擢鄭薰子
毅爲給事中至侍郎卒時年六十三贈太尉後帝
復屢其忠力加贈太傅還葬于鄭諡曰文昭天復
初與李思恭配饗僖宗廟廷

鄭
登進士仕至尚書庫部郎中

鄭昌將咸通十二年進士

鄭延昌字光遠咸通末得進士第遷監察御史鄭畋鎮
鳳翔表在其府黃巢亂京師畋倚延昌調兵食且
諭慰諸軍畋再秉政擢司勳員外郎翰林學士累
進兵部侍郎兼京兆尹判度支拜戶部尚書以中
書侍郎同中書門下平章事兼刑部尚書以病罷
拜尚書左僕射卒

鄭延休涯子登進士仕至山南西道節度使

鄭綦字蘊武及進士第歷監察御史擢累左司郎中

困窶甚焉補廬州刺史其巢掠淮南蔡移檄請無
犯州境巢笑爲歛兵州一狗完僖宗嘉之賜緡魚歲
滿去羸錢千緡藏州庫復它盜至終不犯鄭使君
錢及楊行密爲刺史送加還蔡王徽爲御史大夫
以兵部郎中表知雜事遷給事中杜宏徽任中書
舍人蔡以其兄讓能輔政不宜處禁要上還制書
不報輒移病去召爲右散騎常侍往往條摘失政
眾謹傳之宰相怒改國子監祭酒議者不直復還
常侍大順後王政微蔡每以詩謔託諷中人有誦

之天子前者昭宗意其有所蘊未盡因有司上班
簿遂署其側曰可禮部侍郎同中書門下平章事
綦本善詩其語多俳諧故使落調世共號鄭五歇
後體至是省史忝其家上謁綦笑曰諸君悞矣人
皆不識字宰相亦不及我史言不妄俄聞制詔下
歎曰萬一然笑殺天下人既視事宗戚詣慶搔首
曰歇後鄭五作宰相事可知矣固讓不聽立朝儼
然無復故態自以不爲人所瞻望纔三月以疾

該拜太子少保致仕卒

張

逸字大隱進士及第知登城縣有能名後徙青神
貧不自給王嗣宗假俸半年使辦裝既至縣愈加
廉謹愛民如子興學校教生徒邑會陳希亮楊異
相繼登科縣東南有松栢灘春夏暴漲多覆舟逸
禱于江神不踰月灘爲徙五里所至有美政人以
爲神遷守益州先是州有殺人者繫於獄逸至按
之曰囚色寃守者氣不直豈守者殺人耶囚始敢
言而守者果服立誅之凡四爲益守而政便于民

鄭林幼有志操嗜書力學祥符間擢明經上第授康州龍水縣主簿廉能稱職調王屋縣尤敦清白政聲洋溢陞嘉州推官職滿未幾起部授渭州軍事判官以親老急養上章准奏授相州觀察使奉政郎

王鑑

張响字子堅登進士授慶元鄞縣知縣撰花譜

張嶠字子望响弟與兄同登進士俱從學邵康節

明

儀獻之子登天順丁丑進士授兵科給事中歷陞
四川右布政使

閻 恕登天順庚辰進士歷戶部郎中陞陝西苑馬寺
卿以廉稱

楚荆瑞綸之子登成化甲辰進士任山東長清知縣明
敏果斷禁健訟除奸凶惟恐不及後補浙江長興
惟事撫字而邑亦治乞休歸以倡正學挽末俗爲
已任卒祀鄉賢

趙 宏字南麓陝西道御史嘉靖乙未進士祀鄉賢

國朝

史 編字修文順治丙戌進士任青陽令廉明健爽治
有頌聲

趙 曜字金波體貌魁梧器識凝遠爲文援筆立就登
康熙庚戌科進士未仕而卒時論惜之

汪曰鯤字飛雲康熙壬辰癸巳進士授衛輝府教授訓
士有法文風爲盛 撫軍楊聘主大梁書院

李 清字索川康熙辛丑進士任江南淮安府清河縣
令廉介寬平興利除弊士民頌之

舉人

昌

昌時

偉

未

周中贊

明

岳麟洪武癸酉科歷任監察御史

劉俊永樂癸未科任山東齊河教諭

路 儒永樂乙酉科歷苑馬寺丞

馬 駿永樂乙酉科

王 貫永樂戊子科

楊 琮永樂丁酉科任直隸安慶衛經歷

戴 昇永樂丁酉科

陰 隲永樂丁酉科任福建松溪知縣

崔 獻永樂丁酉科任直隸新樂知縣

茹公用永樂丁酉科任陝西渭南知縣

馬 潛永樂庚子科秦府典寶

郭俊永樂祭邪科任山西蒲縣教諭

魯敬永樂祭邪科任山東卽墨縣丞

馬驥永樂祭邪科任山東萊蕪教諭

陳獻永樂祭邪科任陝西洛南知縣

趙箕永樂祭邪科

費永年宣德己酉科任直隸容城教諭

吉慶宣德己酉科任桂平知縣教民種植至今遺愛

尙存擢監察御史謫戍遼東三載有軍功授副千

戶天順間以例改均州知州設法撫治鄖陽光化

白河褒城流民加叅政俸

聶 鐸宣德壬子科任直隸建平教諭

米有年正統辛酉科任湖廣房縣教諭

田 軫正統甲子科任湖廣宜章知縣

陰 瑁隲子景泰庚午科任山西翼城知縣

楚 綸景泰庚午科幼聰穎年十九任聞喜訓導改任

縣學陞汶上教諭典山西文衡補稷山學典浙江

文衡陞湖州府教授總裁順天文衡

鍾鐸弟景泰癸酉科任稷山成縣教諭

陸 璽 隲子景泰癸酉科任山東平原知縣

崔 儀 獻之子景泰癸酉科登進士

閻 恕 天順己卯科登進士

陰 豫 隲子天順己卯科任湖廣光化教諭

馬 政 驥子天順壬午科任直隸吳橋知縣

甯 汝 愚 鐸子天順壬午科任直隸松江府通判

馬 輅 驥子天順壬午科任山西絳縣知縣

茹 藝 公用子成化戊子科

石 士 廣 猷子成化戊子科任廣東連州判

蘭 琛成化辛卯科任陝西醴泉知縣

楚荆瑞綸子成化丁酉科登進士

陰 縉隲孫成化丁酉科歷曹州知州

陰 纓瑁子成化庚子科解元

崔繼學儀子弘治己酉科任青州府通判

張 恂宏治壬子科歷陝西慶府長史

蘇 民瑞禾子正德庚午科歷工部司務嘉靖庚寅督

九廟工成陞職本部營繕司員外

楚 儒荆瑞子正德癸酉科天資敏異學優行醇

嘉靖乙酉科登乙未進士祀鄉賢

王真儒字應期舟之子嘉靖甲午科任陝西蒲城知縣
興學校定婚禮懲刁民築鎮城政績稱于關中既
歸念匠班爲合族累義輸腴田三十畝每年佃銀
三兩供通族班銀之用隆慶五年學諭戴蘭製文
勒石

李燦萬歷丁酉科任陝西洛南知縣陞臨洮同知終
廣南知府咸有政聲人戶祀之

馬德懋驥曾孫萬歷丙午科好施予歲饑出粟八百石

煮粥濟貧廩匱復鬻田數頃繼賑邑有索水遠東
門外橋梁被水衝決懋倡衆改建石橋行旅稱便
祀鄉賢

張紹載惟明孫萬歷丙午科考知縣性至孝父病嘗糞
願以身代病革居喪如禮哀毀骨立崇貞八年流
賊陷城捐貲繕城隍爲守備性不嗜殺恤孤掩骼
終身敬遵感應篇卒年七十有五

李宗泌萬歷壬子科

張鳳毛崇貞庚午科經元

楊朝柱崇貞己卯科

史 編崇貞己卯科登順治丙戌科進士

國朝

張正志字克式順治辛卯科任商邱縣教諭

趙 畢字旦公順治甲午科義民國英曾孫

趙 曜字金波順治庚子科登庚戌科進士

張 詔字綸之順治庚子科

張朗生字東雯奇勛子康熙丁卯科授內閣中書兼管

書經局正字淹博多才資志以及時論惜焉

周廷權字忠弼鼎子康熙乙酉科候補內閣中書

汪日鯤字飛雲康熙戊子科見進士

李清字澄波貢廕孫康熙癸巳恩科見進士

李日鯤字鵬萬雍正巳酉科

武舉附

國朝

楚來朝字觀臣康熙辛酉科考授守禦所守禦立心正
直行事端方

帖承光字瑞生康熙壬午科

馬空北字健菴康熙壬午科歷任漕標右營游擊署中
軍副將

張業洪字錫三子鑑子康熙丁酉科考授守禦所守禦
張偉字巨公康熙丁酉科

張宏業字培基雍正己酉科

恩拔副貢

明

劉昂任陝西安化訓導

李鳳儀任山西五臺教諭

張綉任山東掖縣丞

鍾瑋任直隸河間主簿

王之屏任陝西宜川知縣

選濟

賈西知任山東范縣知縣丁憂起復補

寧陽知縣代完
民欠欵賜獎勵

汪舜田洪子

喬 崑任山東觀城知縣

喬孔嘉崑之子

李永芳任直隸薊州判賦性孝父而氣節自矜居官廉
介而和平接物崇祀鄉賢

宋大紳

楊朝柱中已卯科舉人

李一昇

編登順治丙戌進士

國朝

李葉澄順治元年 恩貢燦之子

黑龍起 恩貢考通判

張奇勛字松公順治戊子選拔三齡失怙哀毀如成人
見者異而憫之稍長事母以孝聞年三十授福建
松溪縣令廉明著美恩威並用有葉福者邑大盜
也公下車單騎叩壘曉以順逆福等感悟率眾萬
餘人就撫邑賴以寧以卓異賜袍帽判蘇州府事
聲名如治邑時三載擢山西太原府同知委攝潞

安道府事晉陽地介邊陲戍軍數萬多有出息折
算小民子女者必捐俸贖歸之凡所興革深協輿
情歲饑徧賑太原大同各州縣全活甚衆陞湖廣
衛州府知府創書院修郡乘革濫派清荒蕪因勞
成病卒于官衛民罷市三日性喜讀書簿書之餘
著有敦素堂文集讀史偶及行世

張嵩燧字帶黃紹載子順治辛卯選拔

周鼎字名器順治乙酉選拔州同改授江南溧陽縣

縣丞

張駿烈字丕承拱振子順治甲午選拔

汪用世字碧名康熙元年 恩貢

蘭休徵字壯之 恩貢

張乾生字四含駿烈子康熙壬子選拔

張仲弼字依平康熙辛酉副榜貢

張子鑑字格心暉生子康熙丙寅拔貢歷任永寧確山
教諭南陽教授和慎持躬端方率士有古君子風

盧江舟字濟九康熙丁丑拔貢

馬世任字荷九紉藻子康熙癸巳 恩貢端嚴博洽善

成就後學工書遠近競慕著有四書遵註詳訓二
十卷

辛鹿鳴字子毓雍正癸卯副榜貢

李震林字東園惠祖子雍正癸卯恩貢性孝友學行

純篤邑民王姓負官穀三十石將鬻予以償遂爲
代輸邑舊苦漕餉分征請于邑令翁得合征人享
其利學宮傾圮捐二十金倡修榮邑額進八名奉
有人文盛處准其廣額之 旨震林請 各憲具

題得增十二名生平急公樂善不辭勞苦舉鄉飲

大賓著有四書體要大易指歸燕英堂文稿家教

格言諸書

徐瑞字輯五雍正甲辰拔貢

周熊兆字夢卜雍正己酉拔貢

李成棟字柱臣需掄子雍正甲寅拔貢

吳生泰字子舒乾隆丙辰恩貢

趙寶成字長萬乾隆辛酉拔貢

歲貢

明

楊玘歷江部員外郎

董雲漢

王驥

宮敬任四川涪州判

李純任山西芮城主簿

馬畚少聰敏貢入國學吏部以學優薦署山西提學
授雲南麗江軍民府通判陞淮安府同知改萊州

勞陽縣志 卷之八
府才堪治繁詞西安府擢太僕寺丞

趙桓任直隸武清主簿

趙振歷光祿寺署正

高遠

武能

趙敏任萬全衛經歷

董政任福建布政司都事

劉璧歷廣西道監察御史

山壽任四川新津縣丞

吳彬任高郵衛經歷

王昌任廣東道監察御史

成復任四川雲陽知縣

李謙任經歷

李貞任義勇衛經歷

王猷任北京南城兵馬司

王煥任引禮舍人

馬隆

謝奩

賈葵

賈祥

李膺任密雲衛經歷

張振

惠周

王恭

許訥

王賢

武欽

倫任長官司吏目

期

常 祐任山東莘縣教諭

王 相

陳 傑任直隸順義知縣

謝 禮任陝西富川知縣

王 濬任 州同知

劉 謙任直隸魏縣丞

劉 清任湖廣石首縣丞

王 瑀任浙江嘉善縣丞

李 敬任直隸大興縣丞

郭 元任鴻臚寺序班

蘭 泰歷池州府通判

張 傑任陝西西安府推官

鍾 鏞

宋 霖任直隸灤州同知

武 憲任湖廣荊州府檢校

賈 止

齡任四川合州同知

祺

陰 璉隲子任山西夏縣丞

趙 燾任湖廣均州吏目

常 真任直隸交河縣丞

李 儼任四川漢州判

張 澂

李 浩

劉 鑑

楊繼

郭剛任山西醇縣教諭

張珍任山西介休訓導

楊勝任北京百萬倉經歷

汪漢任直隸南樂教諭

王舟任南京左衛經歷陞山西都司都事讓茹夢慶

缺選海母進金誦重月日子亦儒甲午科舉人

陳謨歷湖廣永州府通判

張舉任直隸涿州教諭

晉 淳任山西夏縣丞

趙 誌

王企賢直隸常熟縣主簿

孫 杲

陳樂善任山東陽穀縣丞

趙 壽任金吾府衛經歷

楚 相

王 整任直隸揚州府經歷

主 璣任湖廣江夏主簿

閻惠

趙孔時任直隸濬縣主簿

惠廷珪

蘇瑞禾任山東諸城縣丞

張希仁任山東長山縣丞

李仲暘任山東掖縣訓導

王 擢任山東登州府經歷

高 進任崇善王府教授

高 元修任陝西商州刺史

華任直隸太和訓導

宋 奎任直隸元氏訓導陞山西教諭

雷克省任陝西蒲城主簿

楚荆玉綸之子任山西五堡知縣

王 增

王 儼

楚荆珍綸之子任直隸真定府訓導

鄧 豐任直隸隆慶衛訓導

楚荆瓚綸之子任山西定襄訓導

王潤璣之子任山西沁水縣丞

趙珮任江西廣信府經歷

楊翠任山東霑化訓導

谷芸

車慈任直隸宿州訓導

翟居仁任直隸廣平府訓導祀鄉賢

王育賢

陰汝相任直隸豐潤知縣

黃續科任直隸固城知縣

張惟明任山西芮城訓導陞漢陽教諭

楊得乾任廣西柳州府推官

李仁任山東汶上訓導

蘇仕瑞岐子任山東新城縣丞

馬錫孝歷山西清源教諭

李藩

王邦傑任直隸肥鄉訓導

張文敷任江西石城訓導

孫光壽任陝西鎮安訓導陞駐蹕王府教授

陰勳

王以冠真儒子

賈子親

李 卿任山東東平州訓導

王 寶

李 宰任山東冠縣訓導

賈子胤

王如綵任直隸冀州訓導

劉一澄

李元冲

趙一龍字子任直隸東明訓導

李汝朱任本省泌陽縣訓導

薛君聘任山東魚臺縣訓導

楊思明任本省盧氏訓導

汪舜愷

蘇 衰任直隸虹縣訓導

劉守義任直隸青陽訓導

張堯明任本省鄧州訓導

孫榮宗任本省孟津訓導陞湯陰教諭陞大原府教授
蘇甘雨字靈泉任武陟縣訓導

陰有憲

王應貞任光州訓導陞澤州學正

宮 崇武安教諭

蘇九有

蔡一元任宜陽訓導陞均州學正陞山西運司教授

楚汝明

王以庚直隸子宿松訓導陞漢西高陵教諭

王道明應員子任衛輝府知府陞府城教諭
蔡調鼎一元子

賈育材字柱宇汝州人三水諭陞延安教授
賈安策字建寧內知事

喬桐任信陽州學正

蘭時馨任江西玉山學訓導

周文粹

徐蒸任南省池州府教授署府篆大有廉名
任廷望任宜陽訓導陞永寧教諭

孫璟榮宗子

國朝

趙學孔任嵩縣訓導陞內鄉教諭

楚述尼任固始訓導陞永城教諭

李焯字充之永芳子任鹿邑訓導陞武安教諭

馮其顛任郊縣訓導陞洛陽教諭

汪載道字惺舜田孫任懷慶府學訓導補澠池縣學

訓導

王仲起字右卿應貞孫任輝府學訓導

孫克化孫命聞子

常 泰字心逸

張 詔中庚子科舉人

李 煌字非炫

馮策勳字補裕

孫自修字性若

馬德滋字九畹

郭天府字伯雉

王昌命字作楫任桐栢縣訓導躬恪謹教士有方舉

鄉飲大賓

張嵩諡字礪黃紹載子任南輝府學訓導

趙煥辰字太一

王道昌字御乾

王時雍字興歌任獲嘉縣訓導

翟義字時宜爲人端謹多善行

孫貽謀字子燕

李總祖字青螺焯子授桐柏縣訓導品詣端介崇尙

任永寧字建泰廷望子

孫獻璜字日煌

張繼字元樞文行兼優舉鄉飲大賓

王鶴齡字九如經明行修著有四書講義

王仁九

王又星字登三

張紹九字功叙授信陽州訓導

淡文補字含章學行兼優嘗掌邑書院教為多士楷模

周廷拔字公選

袁雲錦字漢章居心忠厚敦崇孝弟族人某一日失明
又遇饑歲欲鬻妻以謀生錦多方周卹其夫婦得
以保全

張正範字九疇任淇縣訓導化導有法士子敬愛直廩
生崔雅究誣人尤重之壽九十終于家

翟鳴耳字君飛

喬松字子子品端學優嘗掌邑書院教從遊者甚衆
馮爾泰字君舒

蔣勵字子溫

許爾榮字君錫授宜陽縣訓導

胡大伸字桴藎

馬淑稷字于斯廉靜有養不與戶外卓善訓迪後進從遊者不屑屑計脯資成就頗多士林欽服

郎俊彥字君美

周卜年字鴻錄

徐昌字泰甫任桐栢縣訓導

喬俱字升公

張維岱字天孫正志子

史九德字贊一

郭澄字靜淵

王寅字東鄉

陳名成字君輔幼孤事母孝長敏慧嗜學設塾課後進
多所造就

謝體誠字完初

例貢

明

蘇瑞岐任歸州判

崔天祿鴻臚寺序班

張鯨直隸宿松主簿

惠應直隸上海縣丞陞南和縣知縣

楚傳荆瑞子任山東汶上主簿慈祥廉介政事不擾民德之去後爲立石誌思

惠來英任山東昌樂主簿

陳澍

王好義廩例

李汝村

陳滂直隸易州判

劉慈任山西長治縣丞

魏進

甯提

孫世慶

張可大

陳 沱任山西絳縣丞

趙一韓之子

趙一范之子直隸饒陽主簿

王以旃真儒子任陝西漢陰縣主簿附例

王以旃真儒子附例改名旃招任山東歷城主簿

蘇名器仕之子

孫 冕

董思舜

趙守禮國英子

趙亮國英子

趙燦斗國英子

趙鑑閉守禮子附例

張連璧字珍之附例

蘇昂附例

蘇含醇廩例

蘇理邦附例

朝

紉藻字紫如附例

馬御龍字六升附例

李資祖字大居焯子附例寬厚有器量輕利重義克敦
孝友

蘇黔元字撫之附例

張暉生字璧雯奇勛子附例任江南宿州同知司榷務
督河防潔已勤職商民胥賴解組歸足跡不入公
府舉鄉飲大賓

李雲繡字五雲慈祖子附例

李雲鶴字飛鳴總祖子增例河內縣訓導有書名

李需掄字公延慈祖子增例急公樂善族黨婚葬多所

周濟嘗買王姓產後見其貧老破券給還

張子鉢字紹衣朗生子附例

李融字暘午震林子廩例善屬文有聲庠序壬午荐

而不售士林惜之

李觀光字用賓清子

李來復字見心羅子附例重厚尚義修崇聖祠城

費百餘金田畝幾價聽贖為族子婚娶德名

丁建候字次公

例監

國朝

馬汝驛字逸甫御龍子考授州同平居好善凡修補橋道賑施米粟衣棺之類甚夥前邑令紀 額旌

李惠祖字象先焯子增例考授州同制行寬厚事父母以孝稱不以千金逆親之志處兄弟交恭足式至於施棺賑貧歸黨睦族無不周至鄉里咸稱重之馬汝駿字良甫附例考授州同秉性仁厚樂善不倦嘗買韓姓玉姓地畝五畝後以二姓家貧折券還

之俾資生計有幾二人年稍長一呼其父領同一
以親族遠無所歸爲之擇配具粧資並不索分文
康熙五十七年焚借券五十餘紙出粟賑饑善行
不可枚舉子居仁有父風事見彰善錄

張修已字心一

張子銘字理園嗣生子附例考授州同

馮好生增例輕財重義恤孤濟貧滿德之

張子鏡字藏若暉生子附例樂行善事入彰善坊

李 檄需掄子好善樂施常出百金以賑一

五十金修城隍廟又補葺大路水口以便行人

蘇宗顏樂善好施每逢冬臘在長春觀煮粥以食貧民

施棺助葬鄉黨多所周濟子世興嘗因歲荒代王
三秀納條銀五兩餘撫軍雅給銀牌以旌

張子鈍字退菴朗生子考授州判

蘇延齡天資樸茂樂育宗人置義學十載多所成就

張振啓字子傳附例

楚 珍字玉佩考授州同

張子鎮字輔益暉生子考授州同

馬居仁字敬菴汝駿子附例考授主簿

甯承讓字思臣任江南丹陽知縣

丁建勳考授州同

喬 楫字作舟考授縣丞

甯承勳字弼臣任四川江油縣巡檢

張繼汾字率修子錄子考授縣丞資稟穎異博覽載籍
好遊喜俠識大體弗計生產有落落不脛之概

李來慶雯緒孫性慷慨好行善事嘗捐百七十餘金助

修崇聖祠城隍廟

學灝字又梁子銓子卽用更目

胡兆麟字振公大伸子考授州同

李讓雲鶴子幼有孝行母病目失明諸醫束手讓每夜禱祝後得異人授秘方療之而愈

喬瑾考授州同

張度字中立子銘子

王建功字澤遠

史業建武例焚負券卹孤寡有長厚之稱

胡祥麟字坦公大伸子

張振清子鏡子

汪性成字元良

馬士章奉事寡孀友愛堂弟人稱重之

張可久字彭年考授縣丞

李信字子實

張灝羅斗子

張榮泮字連登子鏡子

學生字國華來復子幼失怙恃事繼母以孝聞

多義乾隆十年獨修學宮費千金

以濟貧乏年甫弱冠肆力于學所造正未可量

許世典宗顏子

高子鯤字鵬九

宋淳

張喬年灝子

喬于宣

李來儀雯繡孫

馬仲秋

馬瑞圖字盛兆

丁建烈

董友德字純一

張進龍

陳永安

王用中

馬履謙字六吉居仁子

何應時字建中考授縣丞

馬瑾字景瑜空北子

珏

鄭郁文字憲章

流

喬永年

李用字字中允成棟子

李 淵 謙財好善出于實心雍正六年大水東路衝斷
修木橋一座以便往來

王中興

張梅齡字百魁

選舉

劉爾彥

李登朝

張浩

任重

崔俊

崔克敏

張銓

范魁正

張鵬觀

田炳

孫全

李振興

楚秀文字斐眉設立義塾捐施廟地閭里重之

吏員

王國良任直隸房山典史

明德盛任陝西環縣驛丞

劉校任直隸泰和巡檢

恩任直隸平谷典史

張思貞

趙楠任山東華陽倉大使

賈榕任本省直隸運所大使

張希召任直隸武進巡檢

袁志義陝西雞頭關巡檢出宦夔以給兄弟焚券約以

贖鄉鄰

王得奉

馬錫忠直隸景州巡檢

焦儒任汝寧府倉大使

劉年

馬錫智

張遂學

惠學孔

田配

常邦俊

李國玉

郭思

張照

張華

王大治

楊中立

賈振民司吏

王執中司吏

國朝

王貞福建寧洋司吏

高紹舉任福建南安縣典史護理德化縣知縣事蒞政
清謹告致為善于鄉年八十有六以壽終

賀通湖廣衡陽典史

才江南丹陽巡檢

李 調奉天寧遠州吏目

王 昌湖廣善化典史

張 銘崇文門宣課司副使

周從美湖廣常德府經歷

劉 璠雲南富民典史

宋馭才直隸青縣巡檢

張文魁

駙馬附

唐

鄭敬言尚高宗安定公主

鄭孝義尚睿宗鄭國公主

鄭萬鈞尚睿宗代國長公主以駙馬都尉封榮國郡公

鄭潛曜父萬鈞駙馬都尉母代國長公主寢疾潛曜左

右侍造次不去累三月不殯而刺血爲書請諸神

再以身代火盡而神許二字獨不化翌日主愈疾

左右勿言後尚臨晉長公主歷太僕光祿卿魏郡

賢

鄭綱孫登進士尙宣宗萬壽公主歷禮部尙書京

兆尹

鄭英尙肅宗肅國公主

鄭沛尙肅宗紀國公主

鄭河尙順宗樂國靖公主

皇后

文帝安思閭皇后名鸞元初元年遷入掖庭爲貴人二年立爲皇后

禮

簡文宣鄭太后名阿春生簡文帝咸安元年簡文卽位未及追崇孝武時追上尊號曰簡文太后

外戚

附

漢

後漢書

卷一百一十五

七

閻 顯閻太后之兄也爲車騎將軍儀同三司封侯閻
景閻宴閻耀皆后之弟也並典禁兵

魏

鄭 懿魏文帝以鄭名門世家納懿女爲太原王之妃

涿州縣志卷之九

人物志

日星凝瑞嶽瀆宣靈間氣鍾而鬚眉傑士巾幗名媛
每不擇地而生焉至于耿介可風瞻鄰睦族一技擅
通神之譽來游興樂土之歌皆當表列以垂諸永久
也志人物

忠義

明

楚勵邑庠生忠厚存心富而好義天啟年間差糧有誦

欠者官民大累勵出已貲一百兩代完國稅遇荒輸粟
二百石賑饑縣令毛約孟申請撫按扁旌

張拱振字照南邑廩生天性忠孝文名籍甚學以歛華
就實力行務本爲要執父喪居廬茹素朝夕哭奠不履
城市者三年葬禮一遵文公家禮崇貞十五年中原陸
沉羣盜蜂起鄭州守魯公世任夙知其素履請于撫按
委練鄉勇以捍地方有土寇張步雲者據香爐山大爲
桀害拱振以書招諭之不悛悉力攻之擒步雲祭境
以安十六年春嵩少大盜申靖邦轉掠榮汜鄭密等處

以振同州守魯公追擊之賊佯收誘人伏兵中四圍
之拱振被執罵聲不絕乃遇害時年四十有九世紳士
慟惜之勒石墓前建寧推官孟學孔爲之記碑存長子
駿謨庠生次子駿烈長孫乾生俱拔貢

喬信宸邑廩生開設義塾誨育人才及門成就甚衆崇
貞十六年李自成寇陷中原劄委僞官時信宸奉巡撫
憲文捍衛地方僞官入榮境率衆緝捕之既而賊衆大
至信宸力屈被執罵賊而死巡撫秦聞而讀之曰有
生以成仁不求生以害義喬生有焉長子擢次子

邑庠生

汪負圖邑庠生崇貞十五年逆闖犯築被掠強之降厲
聲曰我雖草茅一介素抱殺賊志豈肯汚身于狗賊賊
怒斷其手足而死

趙策勛國英孫守禮之仲子幼出繼于伯父亮事之以
孝平生慷慨好義瘞枯骨代婚娶友于兄弟親睦鄉鄰
庚辰災荒出粟療饑民賴以舉火者百餘家遇寇變
房地產須水鎮城居民永受其利焉生六子相繼入

長子華甲午薦鄉書

魯一貫敏之孫邑庠生喜施與崇貞十年寇圍築城出
米麥煤炭以濟難民州縣扁旌

鍾彥名槐東里人家業殷盛崇尚禮義正統六年詔許
民間輸財濟荒彥名慨然出米麥一千五百石助賑有
司以聞 朝廷降勅獎諭立坊旌爲義民

趙國英槐西保人家道殷富素稱善良萬歷二十一年
大荒慨輸米千石以賑饑兩院奏題賜冠帶奉旨豎坊
上書義輸千鍾現存曾孫畢登順治甲午科

張承彩輕財好義聞亦出貲取息不償者任之沐義張

守庫負銀七兩過期設酒餽逐之婉言及負被守庫子
乘酒持沸湯澆其身幾瀕于死置不校歲荒出篋中文
券盡燒之捨本銀二百餘兩鄉人皆服其寬厚所行善
事類皆長者一子正志舉順治辛卯科

汪先登業儒未就崇貞八年遇流寇難抗不服携妻趙
氏同罵賊而死其子用世貢于鄉

平 耀明大義喜周濟縣令楊守節甚嘉之崇貞八年
難罵賊而死

汪家講人進士曰鯤之祖膂力過人義氣貫

... 國榮率鄉民之壯健者守城西門賊攻不能
... 數日後城他處陷衆皆逃圖奮呼曰父母之邑死在
... 以之遂以十餘人退保公廨持雙鋤刀中儀門而立力
... 禦數百賊砍殺數人賊黠者從旁竇進以戈刺之欲
... 降圖曰獨力難支死吾分也安能從汝亂賊乎罵不
... 口遂被害

陳 保東號保人崇貞八年流寇攻榮保率三子守縣
南門及城陷冒矢力戰獲賊級數顆卒父子三人俱被
害僅存其幼子所懷

陳 宏東號

居鄉多義氣崇貞八年其兄

侄與賊遇兄侄奮勇殺賊賊衆宏力爲救竟殺身

張克化忠厚勤儉歲饑捐貲煮粥全活甚衆姻親窮乏
不吝周濟子令聞入邑庠孫士傑歲貢令聞有父風父
病額天願以身代嘗作警世文十五條

武功

漢

任安

按通志安字少卿嘗爲大將軍衛青門客後青日衰
賓客多歸霍去病安獨不去故人司馬遷爲太史令
尊寵用事安遺書責以推賢進士遷有報任少卿書
其他行事史漢亦不多見舊志列之武功未知何據
姑存之

唐

鄭世翼祖敬德周儀同大將軍父機司武中士世翼
儒世家武德中爲萬年丞揚州錄事叅軍

張亮沉果有謀房立齡白秦王引爲車騎將軍累拜
副元帥歷相州刺史所至有績遷洛州都督十八年爲
行軍平壤大總管以開國功臣圖形于凌烟閣封卽公
元

田守存奉議校尉

名 理忠翊校尉懸帶金牌鎮守真滌管軍千戶

名 武校尉懸帶金牌鎮守左都督衛士

善敦武校尉懸帶金牌鎮守真定總管上百戶
得山進義校尉鎮守潞州等處管軍上百戶

常祐進義副尉鎮守潞州等路管軍百戶

張天祐忠顯校尉管軍上百戶

明

楚諒字汝信世居滎陽元末聚眾避亂于百尺山遇
明太祖率眾歸之授山西指揮僉事以功陞大同叅將
孫麒槐東保人初襲父職廣西柳衛千戶所百戶天
順間累以從征苗寇功歷陞都督僉事右叅將鎮守柳

州

董璋字文璧薛村保人以錦衣衛繼役校尉天順間
有功陞本衛指揮僉事

王昌城南保人以百戶爲慣戰頭目洪武至永樂有
功陞蔚州指揮僉事子鑑正統十年襲父職調北京
潘陽衛

國朝

聶林歷任廣東惠州協千總

孝友

南北朝

王續生樂陽人遭繼母憂居喪哀毀杖而後起乃終制
鬻髮盡落有司以聞元初宣武帝旌表門閭其喬役
倉 跋榮陽人喪母水不入口五日吐血數升居憂
毀瘠見稱州里有司奏聞孝武帝詔表門閭

宋

張 異喪父飲水絕盞哀毀過度形骸骨立髮落殆盡
聲聞鄉里盜賊不侵其門 祀鄉賢

元

趙璧有孝行縣令潘奏聞旌表其門

國朝

張宗顯繼母病割股以療果愈人以為至誠之賊巡按
旌

趙 旻邑庠生事親至孝明季流寇圍須臾長獨守一

親左右勿離賊感之火舉復熄李天秀留于嘉州憐其
父子離散捐貲贖回馬成功欠官米十餘石為代納以
免追比生平行義類如此鄉飲介賓前令趙額旌

陳必新邑庠生孤貧好學事親孝親歿刻木為像每食
必薦事死如生舉鄉飲介賓前令時給不置永思額

張子錄字嶽麓暉生子邑增生少有文譽父兄相繼宦遊卑秉家政措置咸宜內外無間言雖酬酢紛紜不廢誦讀僅以儒冠終士林惜之子繼汾見堪舉繼湘庠生李一澐邑廩生聿友性成舌辨所入悉以均之兄任父歿獨力殯葬奉母尤極孝謹

趙清揚邑庠生清端方克敦至性母早歿幼弟育之他姓清揚情殷同氣晝夜泣思晚懇歸宗均分田產友愛終身

劉漢祥邑庠生嬰年喪父事母孝事兄甚孝侯凡百請備

後行漢侯以墻傾傷足艱於動履漢祚移床同室親奉
湯藥數月不懈見山路崎嶇躬率僕輩登石修路夏月
施茶置地三畝有碑記

呂辛鏘邑廩生孝友性成不事生產兄弟折居後見弟
貧乏卽以已業與之畱心理學善引後進從遊者不計
脩脯

袁卽成幼失怙事母疾湯藥必親衣不解帶夜叩北斗
願以身代侍二兄時疫時顯敬謹不敢稍違功成傳宏
道之姻施王寬之糶善行有足多者

李嶽切母死不能殮以身自質竭力營葬刻木爲像朝夕事之生後家稍殷行善事其弟負債以業代償不少者亦屢周貧不能婚娶者咸資助之

宋羅孔少失恃事父甚孝父病日夜號泣無天求代三年病且革割股和藥以進其父旋愈十年後乃卒

李潢寓須水籍隸鄭州有至性母劉年老多病潢侍奉湯藥周旋寢食不離側者二十二年通岐黃尤精痘疹延之不論貧富從不較量酬資撫軍雅給孝思可

嘉額並銀牌一面

蕭俊德幼失恃育於祖母李至八歲李忽染瘋疾德朝夕扶持不離左右者十有三載李卒撫棺長慟幾至滅性殯葬一一遵禮服止於期而三年間未嘗見其有笑容撫軍雅給孝思可風額

李海性醇朴賣菜以供父母雍正五年七月於二十里舖拾銀十兩歸置之篋密訪月餘知爲徐俊失物遂以昇之無德色

徐淳天性孝友十歲失母居喪如成人事繼母孟奉養備至孟亦慈愛有加前令顯旌

靖萬道北王保民竭力奉親未嘗少離左右甘旨之奉
皆先意曲體得親歡心既卒殯葬遵禮廬墓側三年不
御酒肉邑令李額旌

馬 馴邑庠生忠厚樂善歲施丸散茶湯康熙二十九
年歲歉馴捐粟二十餘石衣百領鄉里感之舉鄉飲
上憲給扁旌賞曰至行足矜

馬和震邑庠生品行端方篤于同氣胞弟失業給與庄
一所地十畝舉鄉飲介賓

張維嶽邑增生秉心忠厚其父正志將地三十畝給友

人辛五原後其子凝欲棄地他徙謂維嶽曰君家所買地時價可值百五十金給我二十金任君轉售維嶽曰給地先父之志豈可圖利以蔑先人之德盧憲章周大英等或借糧五十餘石或貸銀數十兩皆憐其貧老焚券山西趙宏流寓樂邑賈峪染病憫其孤苦畱養數月死爲棺殮葬于已地之內延師教二弟維岱維帽咸入庠食餼極友愛云子波樂善不倦有父風姪媳王氏早寡而貧加意周卹以成其節鄰人李成喪父助之棺殮事載彰善錄

張子銓暉生子府庠生沉靜好學淡泊自甘賑施貧乏
不求人知屢舉鄉飲力辭不就

袁毓桂邑廩生有學行事繼母孝待弟友康熙六十年
有涇陽人侯姓尋兄到村陡染時症桂撫養家中醫藥
調治半載始痊仍給貲斧遣歸人皆義之

賈繼山邑庠生與兄繼復同癸五十年式好無間買李
復元地六十餘畝數年後憐其窮還之時價數倍于前
不較也拾金二兩詢還本主人服其義年八十餘 恩

給八品頂帶

徵祖邑庠生品行方介治家有法助成王姓之婚施棺衣以濟無告士林重之

李露曉禮部儒士存心忠厚義重鄉閭價其馬女爲婢詢之知爲王氏養媳卽召其本夫完婚減其某病危子幼密付白金百兩無一人知者後數年其子長原封與之前令李給受金不昧額撫軍雅採入彰善錄

李六奇府庠生舅家張氏七喪未舉六奇慨然任之窀窆之事咸措置如禮邑令翁義之給額美賞舉鄉飲介賓

馬喬年邑庠生端方好善冬日施綿衣煮粥以濟寒餒
貧不能葬者多方資助 撫軍雖給義行足風額入彙

善錄

翟 丙邑廩生幼時家貧父令與兄析居外祖喬拔見
其資墳明慧教之讀書能自奮勵二十歲各諸生舌耕
所入悉以奉親親歿喪葬如禮其後稍有餘資遂將自
置產五十畝半分與兄以敦式好 撫憲 府憲 邑
令俱給額獎賞

馬永清邑武生素行醇謹好爲善事每年臘月于長卷

觀煮粥濟貧一日偶至高村鎮見一人大哭詢之則贊子爲其父營棺倉卒遺失銀兩清日母哭銀固我拾隨取付之其人見色件不對不敢受清再三慰諭強與之乃拜謝而去鄉里重其隱德

馬在天邑武生雍正元年用價二十兩買武陟孫和兒夫婦爲僕後其叔平無子持銀贖和生焚券遣歸不受身價叔侄感謝而去

翟克昌勇于爲善有蔣氏鬻子捐銀代贖撫養從姪爲之婚娶給地三十畝庄一處鄉里稱服

翟 翀邑庠生年四十無子母命娶妾隨往鞏縣買賀
姓女臨別見其母女相顧依依可憐翀曰勿憂遠離汝
女去令侍我母俟二三年倘妻生子當遣還耳歸以白
其母令賀女同母寢食三年後妻果生子遂召其父母
領女不取原價復出奩物之母女感泣而去

袁紹旦侑舞生兄弟同居友愛久而愈篤樂行善事雍
正十二年韓姓將子鬻人且捐銀令其回贖周急濟困
歷久不倦

李 龍邑庠生兄雲鶴早歿遺侄僅二齡龍撫之如子

事寡嫂有禮家庭雍睦財無所私有王進才家貧喪父不能殮爲買棺助粟帛前王村道路崎嶇中隔河流每歲僱人平治兼修木橋以便往來

沙光林善醫不嗜財利村隣李姓年荒鬻子捐銀代贖子中金邑庠生篤于至性事親能盡子職事繼母無異所生兄弟之間讓產友愛邑令李給孝友足風扁

蘇九齡國學宗禹父性慷慨踈于財禹善長張玉書嘗貸銀百數十兩貧不能償遂焚券郭家堂張姓歲荒衣食不給贈以十金作資本後屢還峻却不受

李嗣沆樂善好施康熙六十年歲饑庄鄰趙三等糊口無資借雜糧二十餘石明年麥熟有償者不取息不能償者不索也買夏來旺女爲婢比長令其父領回不取原價助人婚葬不一而足 撫憲雅採入彰善錄

丁懷舜懷寶同產也幼失怙恃兄懷禮撫之成人恪守弟道五十年不敢少忽友恭足式兩人皆樂行善事捐地建 關帝三代閣製藥濟人多金不吝遣嫁婢女不圖財禮懷禮子建勳候補州佐嫺睦樂施公事多所贊

馬龍功勤儉樂善修理橋梁普施茶粥捐修
元武廟
不惜多金 撫軍雅給扁旌賞

馬 澤幼業儒讀史至爲善最樂句心竊慕之家非素
封而施與不吝蒙憲額獎入彰善錄

崔允恭薛村保人性廉正好善精痘疹科治療不取酬
須水往來病涉恭率衆修建南北二石橋人皆便之

徐 甲某鄉人家貧于龍門口施茶湯四十年其子煌
踵之又十餘年可稱好善不倦

陳良相秋社里人長厚樂善捐田四畝每歲收所入以

量濟族人之貧乏者

張文質北王保人生平樂善好施所在渡口修理橋梁三十餘年不輟隆冬盛暑尤加意焉凡周濟貧乏之衣服粟米棺木之類不可勝計

馬龍驛盛元長子有族侄金魁幼失怙恃孤苦無依龍驛收畱撫育及壯給地二十畝庄一處授室成家未幾龍驛歿乏嗣弟龍駒以次子天位爲兄後金魁相友愛復給與庄地俾成小康之家人以天位能繼嗣父之志

九成曹固保人慷慨重行董以中貧窘者多倡率伊
侄倫俊徵信仲泳捐銀二百兩置地八畝以贍助婚姻
死葬之無力者勒碑永後

謝子玉生平友愛兄故孤侄貧薄撫之成立給庄一所
乾隆八年拾銀五兩餘後知爲王生物還之不昧

馬變龍其性至孝痛雙親早逝孺慕情深年已九旬清
明等節猶必躬親拜掃遇寒暑施茶煮粥以濟因乏久
而不懈縣令屢次扁獎

平思學邑庠生雍之養子孝友性成兄弟析居思學子念

雙親年邁二弟尙幼服勞奉養獨任不辭外有養膳地六十餘畝亦係三人均分之產伊甘心讓弟不爲已有孝友之風思學有焉

楚思朝性孝家貧拮据管運以事衰親及親病日篤當卧牀褥朝奉侍湯藥歷數年不懈親歿痛哭幾絕三日不食問里賢之縣令予給明設有懷額

袁時雍岸生居心平恕不較橫逆侍父疾衣不解帶圍諭之器皆親滌析居時讓產于弟康熙四十七年旱蝗有蘭姓者饑將死出困中之根分與之自困之不願居

不計修脯能曲成後學

馬淑益邑庠生素性好善常煮粥以濟貧人收暴骸捐地瘞之居平克敦孝友家有僕女年已及笄擇配以嫁不徇俗取財禮人咸重其行誼

馬天明邑增生誠重端謹父歿事繼母極孝病侍湯藥衣不解帶比歿哀毀骨立祭葬盡禮待二弟友愛彌篤偶於路隅拾得四十金訪還其人

淡然起邑庠生才名藉藉明季土寇四起超負母携弟入佛姑洞寇索超甚急超恐累其母出赴賊營遂遇害

于文繡 歲貢生

喬選齡字萬子邑庠生存心忠厚好義輕財東門舊路
險阻難行遐率家衆搆石修路行人至今稱便東五里
堡建房一所冬夏施茶施粥歷十數年其修理廟宇救
濟失路窮民善事嘖嘖人口前邑令馬嘗稱爲直善人
云

淡丙生爲人忠厚康熙六十年時值荒旱民多流散丙
嘗得一人喚豆兒後忽絕迹丙遣人尋獲詢其故豆兒

家貧親老弟多未成後嗣爲籬丙憫焉傷之

不索原值更與數金爲娶妻。其嗣之計隣里稱其盛德。
中和增廣生舉優

張延獻輕財重義胞叔起秀父子三人相繼而亡獻殯
埋如禮父歿遺三弟俱幼撫養成立娶室後因子張照
遊泮將經商賒銀二百餘金盡焚其券鄉隣義之

徐之藩邑庠生品詣端方有學行前令時給以德當隆
額舉鄉飲介賓初遺產與弟之翰均分後弟口口益落遂
給以已地四十畝其篤于同氣如此子瑞拔貢生

李進邑耆民平生喜恤災濟貧舉鄉飲介賓前令高

給評高月旦扁子四亮亮忠亮輔亮弼俱好善有父
風完王周二姓之姻還牛姓六畝之地賑鄰焚百餘石
之糧券急難卽施棺出粟鄉里咸相感重諸孫俱列膠
庠

儒林

漢

嚴 虔字子慎少以清苦建志入太學受業有雅才善著文論作春秋左氏傳解又以左傳駁柯休所駁六十條舉孝廉中平末拜九江太守免遭亂客行病卒所著賦碑誄書記連珠九憤凡十餘篇祀鄉賢

文苑

唐

鄭處誨字廷美文辭秀拔仕歷刑部侍郎浙江觀察宣武節度使先是李德裕次柳氏舊閨處誨謂未詳更撰明皇雜錄爲時盛傳

鄭 虔字若齋天寶初爲協律郎元宗愛其才欲置左右以不事事置廣文館虔聞命訴于宰相相曰上置廣文館以居賢者令後世言廣文博士自君始不亦美乎虔善圖山水好書人稱其草書如疾風送雲收霞推月

常自書其詩并畫以獻帝大署其尾曰鄭虔三絕遷著作郎後貶台州司戶叅軍

古人不事專置漢文論史國論

後 逸草莽蔽天實際為

世皇錄後為

知前妻與夫身卒然大

漢書

書

隱逸

唐

鄭損隱居不仕鄉里號曰雲居先生

方伎

南北朝

麴 紹善占候侯景欲試之使與郭生卜二伏牛何者
先起卜得火兆郭生曰赤牛先起紹曰青牛先起景問
其故郭曰火色赤故知赤牛先起紹曰火將然烟先起
烟上色青故知青牛先起既而如紹言

流寓

漢

崔 篆涿郡安平人王莽篡漢遂不仕客居滎陽閉門
潛思表周易四十四篇用咨吉凶多所占驗臨終作
志賦以自釋

南北朝

崔 蔚咨議叅軍顓之子自南宋奔元魏居滎陽號鄭
州崔氏仕郢州刺史

崔 瓚字紹珍兼尚書左丞

崔彥穆仕後周歷少司徒

崔士憲益州行臺兵部尙書封晉安公

崔君綽丞相府賓曹叅軍

隋

崔君肅隋黃門侍郎初爲司朝謁者裴矩聞突厥處羅
可汗思其母請遣君肅資詔諭之處羅甚踞肅曰突厥
本一國中分爲二每歲交兵積數十年莫能相滅今祇
民舉其部落入臣天子欲借兵大國其滅可汗天幸許
出師有日顧可汗母向夫人懼西國之滅旦夕哭泣

初謝罪請發使詔可汗令入內屬天子憐之故遣使
至此今可汗踞慢如是則向夫人爲誑天子必伏口都
市傳首虜庭發大隋之兵資東國之衆以擊可汗亡無
日矣柰何愛兩拜之禮絕慈母之命惜一語稱臣使社
稷爲墟乎處羅矍然而起流汗再拜跪受詔書遣使者
隨君肅貢汗血馬

崔君瞻秋官侍郎

崔公禮泗州刺史

崔思默邢州刺史

崔思約和州刺史

唐

崔神鼎亳州刺史

崔言道岳州刺史

崔元奕秋官侍郎

崔元綜新鄭人寓滎陽武后嘗以秋官侍郎拜相

崔 哲巴邑令

李 觀隴西人寓居滎陽

李 拔隴西人元道之孫客滎陽開元末擢進士累官

為功郎中知制誥拜宰相後以
尚書左僕射使吐蕃卒
于鳳州贈司空謚曰恭

崔元籍利州刺史

崔元靚吏部員外郎

崔克讓晉州刺史

崔叔瑜吏部郎中

崔均丹州刺史

崔志康襄州刺史左庶子

崔恪申州刺史

崔 恂 杭州刺史封清河縣男

崔 廣 眉州刺史

崔希喬以孝弟稱初授臨清尉丁母憂哀毀過度尺園
補鄭縣尉清介公方轉鄭縣丞室有芝草生焉州以狀
聞遷御史出授并州兵曹轉馮翊令吏民畏愛風化大
行小民感其仁恕一日有雲如蓋當其廳前須臾五彩
煥爛周于城郭事聞宣對史館在并州時居喪哀哭群
鳥畢集徧墻宇壓林木鄉里嗟異之所居每巢燕乳雛
必反哺逾旬後乃分飛人以爲孝義所感通云

崔 河郎州刺史

霍 仙右拾遺

金

馮斯辰以進士客榮陽

國朝

陳大興字玉廷福建福清人原官都督康熙十二年以
都督僉事令率官兵墾荒于榮家于周崗舖至則創立
集市以通商賈邑人便之

馬守志字魁君祥符人任陝西西固營守備致仕後客

榮陽卒

張藩字价人福建福清人福州郡庠生能詩文陳大興壻隨大興墾荒于榮

黃壬字源白福建平和人

黃朝字觀侯福建海澄人

陳昇字師吉福建國安人

以上三員俱陳大興屬官以都司墾荒于榮

榮陽縣志卷之十

列女

南北朝

劉氏邑人張洪祈妻年十七歲夫亡遺腹生子三歲殤其舅姑年老朝夕奉養率禮無違兄矜其少寡欲奪其志氏自誓不許以終其身

耿氏史映周妻年十七適映周映周卒耿恐父母奪其志因葬映周慟哭嘔血而殞屬大使觀風上其狀詔表門閭

魯氏刁思遵妻始笄爲思遵所聘未逾月而思遵歿其
家憫其少寡許嫁已定魯聞之以死自誓父母不達其
志遂經郡訴稱刁氏悅護其女不使歸寧母家乃與老
姑徒步詣司徒府自陳狀北魏普泰初有司奏聞節閔
帝詔本司依式標榜

明

陳氏舉人張紹載妻成臯生員陳銓女也性和柔事舅
姑孝謹崇貞八年流寇將陷滎城氏語夫曰妾縉紳婦
不可辱于賊君當自愛避賊鋒語已束弁整衣投井死

女兩姐未及笄隨母投井死媳馬氏乃長子廩生嵩謐
妻孝廉馬德懋女亦隨姑投井死巡按高名衡特疏節
烈建坊旌表時狀元左中允劉公理順暨諸貴顯製詩
輓之

王氏誥贈湖廣衡州府知府張一安妻也夫歿年二十
七歲截髮毀容志堅金石子竒勛方三齡稍長每戒之
曰張氏存亡惟汝而已善自努力公卿寧有種乎寒燈
孤室紡績之聲與書聲相永享年五十有八竒勛歷官
知府氏贈恭人長孫朗生食餼邑庠次孫暉生貢入成

均

趙氏廩生張拱振次子拔貢駿烈之妻也崇貞十六年
氏父欲挈氏避賊河北氏指拱振之柩而言曰若非罵
賊而死者耶不守舅之柩遠去求生則不孝賊至氏恐
被污慟哭拜辭柩前投崖死時年十九

原书缺页

原书缺页

庠生孫繼斗廩生

李氏庠生馬汝驪妻鄭州增生李筌女律躬端嚴夙嫻

壺範夫歿無子取兄汝驛次子繼遠承祧栢舟自矢孝

事翁姑慎終追遠誠禮備至繼遠入庠隨天婦秦氏上

事孀姑下撫幼子廷璧孝慈兼盡兩世霜操尤難得云

呂氏陳諧妻能執婦道善事姑夫歿子未及週氏冰節

自持奉衰姑倍加孝謹子稍長教以義方書聲與紡績

盡相續子名成食餼孫五桂入庠歷年八十二以病終

蔡氏儒童陳讓妻庠生陰起女夫亡誓以身殉其父日

婦從夫于九泉如姑老子幼何氏翻然收涕奉事老姑
晨昏定省教侄良佐孫五事紡績供讀俱遊庠苦
十年如一日云

王氏生員張索靈妻夫遭短折氏每哭絕而復甦夫
後天志靡他勤紡績無間寒暑家雖貧奉姑必以甘脆
及姑歿殯葬如禮訓子心益勞以成愛早入邑庠不料
孫大受尙在懷抱而天奪其子又與媳王氏撫養幼孫
壽節六十三載終

王氏庠生張心孟妻子歸六載夫亡柩用自矢與孀姑

同守苦節姑病氏年已六十有二湯藥必親及歿附身
附棺一一如禮子大受七歲就外傳歸必篝燈背誦教
養兼至卒爲名諸生

蔡氏廩生汪發祥妻河陰吏員永福女子歸九載夫病
知不起謂氏曰吾死老母幼子誰養氏跪而泣曰妾在
子勿憂及夫故栢舟自矢不負所託勤儉訓子玉璋有
法守節四十二年終

宋氏儒童馬一元妻二十三而夫歿舅姑早逝奉夫祖
飲食扶持不稍懈怠迨歿殯葬俱盡誠禮訓子以義方

入國學

喬氏石廷對妻于歸九載夫故氏姑馮氏早歿翁庠生
靖年邁氏極其孝敬翁以壽終殯葬盡禮矢栢舟者數
十年訓子成立

以上俱乾隆三年知縣張翼詳奉 題旌

徐氏儒童李霞展妻結褵六載夫歿精欲身殉衆以親
老子幼再三勸勉始進飲食日夜紡績以上供甘旨下
撫孤雛舅姑相繼亡經營喪葬皆出十指餘苦節五十
餘年壽八十字淮邑增生學院張給額曰成孤完節

吳氏劉善承妻能盡婦道孀姑八十兩目失明氏左右
次持奉養不怠病侍湯藥終夜不嘗交睫及歿衣衾棺
槨營辦盡禮教子永昌身列黌序冰蘖之操鄉里重之
以上乾隆十年知縣李煦詳奉 題旌

張氏汪鍾祥妻孝廉正志女十七歸汪二十二夫歿遺
孤林松甫三齡形影相弔母子相依爲命紡紉拮据撫
育教誨俾克有成矢冰霜者四十七年壽七十一

王氏廩生張嘉生繼妻鄭州庠生王日昌女二十歲歸
張甫二載嘉生亡氏無所出前子方九歲氏勤劬鞠養

勝如已生授室生子旋卽天亡撫孤孫女恩義備至歷節六十餘年

史氏楊體道妻十七歸楊二十四夫歿茹荼撫子備極艱辛迨子蔚成人授室甫生子又亡氏蓄育寡媳幼孫恩勤拮据水霜矢節五十餘年現年七十五公報候詳旌

李氏儒童張資生妻資生病故氏年甫二十餘二子在襁褓舅姑志業復貧氏勤苦茹荼歷節六十年壽八十

張氏儒童張奮習妻年二十七夫亡上奉舅姑下撫孀女孝慈備至苦節四十年現年六十九

陳氏監生袁宗桂妻汜水庠生思恭女賦性淑慎夙嫻女則高堂奉事菽水殷勤初夫無子繼胞侄爲嗣又納妾生子殿魁氏撫育二子不啻己出夫亡冰霜自矢訓子有方歷三十年如一日嘗因歲歉一女乞食氏門飛羸欲死氏見而惻然收養調視二年後訪知汜邑焦姓之女隨令伊父兄領回毫無德色邑里傳頌不置

張氏貢生李雲鶴妻拔貢駿烈女貞靜柔嘉有婦德適

李時姑早逝供奉舅氏甘旨必恭撫育叔妹婚嫁之事
皆竭力經營爲夫納妾生子恩養視已出子甫三齡稱
未亡人水淵勵志勤苦持家處妯娌無間言守節三十
餘年

李氏儒童茹生花妻十八子歸不數年夫歿遺孤軫甫
五齡矢志守節善事舅姑未幾俱病歿氏奉祖翁姑尤
極孝謹生養死葬一一盡禮歷四十五年現年七十二
李氏馬文印妻夫歿苦志矢志節未嘗一歸父母家事翁
姑以孝撫幼子以慈水霜五十年不愧旌表

李氏王俊烈妻年十九結縭廿三而寡翁姑年邁幼子
在抱氏辛勤紡織易粟奉養二老既歿竭力營葬臨穴
一慟絕而復甦矢節六十年邑令給扁曰節凜冰霜
趙氏崔九龍妻于歸數載有靜好之風九龍以病卒氏
年三十八貞烈自矢之死靡他撫嗣子信如已出守節
四十七年現年六十有七

張氏楚珪之妻賦性貞靜夫歿氏年二十五搥清冰雪
善事舅姑和于妯娌撫幼子元祥成立苦節三十餘年
現年五十八歲

蔣氏儒童汪中豪妻年十六歲于歸汪門結褵十載夫
故翁姑衰老子幼氏栢舟自矢晝夜紡績事翁姑以誠
孝救孤兒以義方雍正十二年建坊旌表

李氏候選州判張子鈍之妻性凝重明大義年十五于
歸卽主家政井井有條未幾夫歿撫嗣子以慈母而作
嚴父御奴婢莊以蒞而慈以畜貞靜自持歷二十載如
日子溥邑庠生現今詳請題旌

李氏邑民李仁妻年二十七夫亡子方三齡舅姑年老
氏矢志不渝力勤紡織孝養舅姑撫育幼子含哀茹辛

禮節三十六載

劉氏斬於忠妻氏初于歸隨夫移居南陽未幾夫歿氏奉七旬舅姑三齡弱子復歸榮邑備極艱辛舅姑亡以禮送終撫幼子教養有方卒以成立守節五十年現年七十六歲

蔡氏鄰應元妻年二十五夫亡事親撫孤守節三十五年

張氏儒童王國瑞妻年十七適王越四載夫歿誓死守節三十年如一日云

張氏郎俊士妻年二十六而寡子僅五齡父母欲令再適氏厲聲曰上有翁姑下有幼子去將安歸毀容矢節三十餘年不懈

馬氏沙中璽妻夫故氏年二十五子甫三齡零丁孤苦誓志冰霜孝事翁姑撫孤成立守節三十餘年

李氏儒童趙萬鍾妻十七于歸十九夫歿氏撫棺痛哭欲以身殉舅姑諭以撫子始勉強就食迄今三十餘年冰霜之操彌礪

劉氏盧宗慎妻氏年二十二夫亡慟哭幾絕旣取從兄

林梅次子烈以爲嗣愛養有同已出事翁姑生養死葬皆克盡禮歷節三十餘年

徐氏許豸妻端淑性成年十五歸許時翁姑已逝勤儉相去結褵十三載夫歿氏年二十七子甫十齡忍死割子冰蘖持躬迨子成立又遭中折氏偕媳徐氏孤苦相依績紡度日孫逢吉邑庠苦節四十五年壽終

楊氏魏天璋妻二十六夫歿家貧子幼依兄嫂以居冰霜苦節歷四十餘年乾隆三年學院張給操屬中壺額張氏任全之妻年二十夫亡撫稚子配久成立授室又

天氏與媳王氏冰霜同勵歷久不懈邑令李額旌

馮氏翟布雲妻二十二夫故舅姑年邁子化鶴在抱矢志靡他孝慈並著舅姑歿竭力營葬撫子成家現年九

十

時氏周在洛妻二十五夫歿子訓甫離襁褓氏始欲殉夫以子幼矢志栢舟毀容自勵歷節數十年不懈

張氏監生楊作霖妻氏年二十二夫卒矢志守節孝事孀姑夙夜不懈撫幼子九經教養兼至乾隆三年學院

張額旌

張氏明孝廉紹章之女適邑庠生李如梅流寇陷榮如
梅死于難遺一子一女氏忍死撫育稍長復爲寇虜氏
晝夜痛哭淚繼以血

迨

我朝定鼎托人四處訪尋至孟津得其子以歸幸嗣續
不絕拮据延師訓誨成立勵節水霜者五十餘年壽八
十五學訓楊給高節凌霜額

董氏王紀之妻賦性端淑歸王三載生子定邦僅數月
而紀亡氏痛欲身殉舅姑勉以大義始稍稍飲食矢凜

水霜凝不履闕仰事俯育誠禮兼盡舅姑既歿竭力營
葬子成立教以義方鄉里咸稱之學院張給義昭封髮
額

史氏馬願祖之妻十七于歸二十而寡遺孤僅三月誓
心冰雪久而勿渝事舅姑生養死葬咸克如禮子若孫
文行彬彬皆氏義方之訓也守節四十六年詳奉 題
旌

張氏劉朝候之妻年二十一夫歿事姑撫子苦節四十一

馮氏庠生翟伸母張氏伸妻周氏伸次子之妻三世皆
少寡力貧守節皎日盟心隣里無不稱重

張氏庠生張文運妻氏年二十適張越二年文運染病
既劇謂氏曰吾病在不痊子甫七月既無叔伯終鮮兄
弟吾死汝將奈何氏引刀斷髮泣曰君已有子設不幸
而妾有二心者如髮未幾文運歿竭力殯葬緝紡訓子
成立遊庠苦節數十年學師旌其門曰叅美敬姜

邢氏趙珙之妻年二十夫亡一子幼姑早逝舅年六十
餘憐其少諷令改適氏泣曰撫孤事舅妾之責去安歸

乎截髮自誓舅多病紡績奉養甘旨無缺後以壽終氏
苦節三十餘年

王氏卞延瑞妻年二十夫歿事舅姑盡禮訓子嚴正守
節五十一年雍正十二年 旌

禹氏李銳繼室幼育名門長嫻姆訓年十七歸李克修
婦道銳病親侍湯藥籲天求代既而銳竟不起氏痛欲
死殉舅姑以撫孤勗諭遂矢志冰霜養親畜子荼苦備
嘗舅姑歿殯葬盡禮守節二十六年

李氏監生張灝妻苦節四十餘年子喬年婦李氏年十

七子歸未幾喬卒氏欲身殉因無子泣曰張氏五世尊
傳祖宗之祀豈可自我而絕乃立族子緒統爲嗣復天
氏慟絕至再嘔心泣血營葬數棺勞瘁悲哀襄事畢而
卒鄉党欽其雙節貞烈

任氏趙廷舉妻陳氏廷爵妻兄弟二人俱早亡任年二
十八歲陳年二十四歲兩婦冰霜同志奉養翁姑堅貞
自矢陳氏止生一子尙幼二氏同撫養成人娶媳以延
後嗣苦節俱三十餘年任氏現年六十二歲陳氏現年
五十七歲

焦氏楚超妻年二十四歲夫故遺子甫三歲氏冰霜自
矢上事翁姑下撫幼子守節五十餘年邑人公舉節孝
邑令給成孤著節扁

李氏邑人袁鳳儀繼妻汜水庠生世傑女愼靜寡言克
相夫子高堂之養甘旨必親夫病綿延一載每夜焚香
籲天願以身代已而夫竟不起氏慟哭再絕誓不獨生
親屬勸喻勉延視息既葬其夫擇任爲嗣遂絕食數日
赴壘哭奠歸則閉戶封髮自縊死里鄰公報撫憲雅給
額旌之曰從容就義

慈氏薛保村張柱之妻天性貞孝姑周氏久患疾氏
不辭污穢盡心奉侍十八年如一日邑令呂額旌
特撥給本村集稅以濟其貧勒石志勸

石氏郎玠妻賦性柔淑孝事舅姑雍正八年翁病氏殷
勤湯藥朝夕維謹後病且亟焚香祝天願以身代潛割
股和糜以進翁亦隨愈誠孝格天信然哉

王氏張履生妻家赤貧勤紡織奉事舅姑歷數十年不
懈翁姑病危氏祈于神願以身代及歿時又附棺附身
慟哭幾絕既葬之後遇清明等節必躬親拜掃終始如

一閭里賢之

王氏童生張曰瑤妻年十七于歸舅姑早亡惟有祖母
陳在堂氏孝奉祖母克相夫子敬戒一遵女則甫五載
而夫歿氏欲身殉水米不入口者二日諸姑姊再三以
祖母老二孤幼苦勸氏始勉延視息營生其夫如事
祖母甘旨無缺撫二子成立訓誨有方後陳壽至八十
終氏葬祭皆如禮積勞成疾閏兩月五日不食遂卒鄰
里稱爲孝節咸補

劉氏趙景新妻幽淑性成年十七適趙善事翁姑恪

婦道未幾夫歿氏撫幼子教養有條栢舟之志歷三十載不懈現年六十子鯤化入國庠

趙氏徐潤妻孝事翁姑姑陳氏年七十染難症醫藥罔効氏籲天虔禱割股以食姑病竟得痊人以為誠孝所感邑令給純孝格天扁 撫憲雅縉天性純孝扁入彭

善錄

李氏邑庠生張克啓之妻淑慎有婦德二十一歲夫亡茹荼自甘水霜矢志撫子九經教育備至卒能成立以繼家聲歷節五十餘年

樊陽縣志 卷之十
汪氏袁永泰妻庠生時雍母賦性溫淑克修婦道姑常有疾醫藥罔効氏焚香籲天願以身代割股肉潛以食姑遂得愈氏奉侍益謹始終無怠

張氏邑人楚來聘之妻年十八歲于歸未及十載夫氏恪守婦道水霜自矢上事翁姑下撫幼子苦節三餘年子文謨邑庠生

曹氏邑武舉考授守禦所楚來朝妻賦性柔嘉克盡孝道每事先意承順獨得親心迨至翁姑病時嘗試湯藥子夜祈禱朝夕奉事歷久不懈及歿拮据營葬一

禮訓子璵成名入庠食餼間里欽服謂婦道而兼子道
以母道而在父道焉

王氏河陰拔貢生廬州別駕謨室女歸袁夢麟闕入載
夫以病卒氏年二十八子僅六齡其孤苦萬難之况傍
觀皆爲流涕氏栢舟自矢之死靡它翁姑俱逝殯葬皆
如禮勤苦訓子正成立入庠歷節幾三十年鄉隣公呈
前邑令願給節凜懷清獎額

閻氏李作雲妻年二十六歲夫故冰霜矢節事舅姑以
孝聞歷年七十餘

王氏張贊宸妻贊宸病氏籲天割股以進疾隨愈後贊
宸卒氏年二十七歲柏舟自矢撫孤成立歷節至八十
餘

陳氏邑庠生喬九齡妻騰蛟室女幼端靜嫻女則十五
歲歸九齡善事舅姑克相夫子二十五夫故遺子二長
益方七歲次正三歲氏志凜冰霜辛勤撫育二子皆得
成立正入本庠氏苦節四十餘年現年六十六歲

虎氏虎振德之室女生有淑德自幼許字馬起麟之子
全忠爲配乾隆六年全忠病亡氏年一十五歲聞訃哭

於地請臨其喪以盡視歛臨穴之禮父母宗黨北
之乃俟夜靜乘間奔馬家撫膺慟哭觀者無不嗚咽遂
留不去舅姑憐其少欲違其志氏絕粒不食以死自誓
兩家父母共慰之曰汝志誠可嘉獨不爲沙夫後嗣計
氏乃就食因鳴之親族擇取二子保安保成氏祿視惟
謹鄉里欽其貞範邑令李給扁獎之

王氏袁卽成妻姑久病藥不愈氏誓冬服單衣禱天佐
姑姑愈果單衣三冬厥後姑又病不能飲食氏乳姑晝
夜未嘗離側及卒哭盡哀宗族皆以孝婦稱